

PROGRAM PODRŠKE MARGINALIZIRANIM GRUPAMA (PPMG)

JUNI 2017.

PODRŠKA ZA VIŠE OD 50 PORODICA DJECE I OSOBA SA INVALIDITETOM – ZVANIČNO OTVOREN SERVIS CENTRA „SOCI“ UTUZLI

Servis centra „Soci“ koji pruža podršku porodicama djece i osoba sa invaliditetom u junu je i zvanično otvoren.



Servis centar u Tuzli zvanično su otvorili Peter Duffy, direktor Misije USAID-a u BiH i gradonačelnik Tuzle Jasmin Imamović.

Centar nudi besplatne usluge za više od 50 porodica djece i osoba sa invaliditetom sa područja Tuzlanskog kantona, a prvenstveno kroz osiguravanje boravka do četiri sata dnevno za djecu, kreativnih i inkluzivnih radionica i muzikoterapije, rada na vještinama

socijalizacije, za odrasle osobe sa poteškoćama u razvoju organizuju se aktivnosti samozastupanja, dok je za porodice djece i osoba sa poteškoćama u razvoju osigurana pravna i psihološka pomoć, savjetovanje, te pomoć u kriznim situacijama.



“Sretan sam da danas mogu biti ovdje i posebno se zahvaliti Gradu Tuzla i svima koji su učestvovali u osnivanju Centra koji djeci pruža mogućnost da ostvare osnovna ljudska prava, a njihovim roditeljima podršku koja im je itekako potrebna. Ponosan sam što USAID podržava uspostavljanje ovakvih centara i u drugim djelovima BiH i nadam se da ćemo uskoro otvarati i nove.“ – poručio je Peter Duffy, direktor Misije USAID-a u BiH.

Servis centri za podršku porodicama djece i osoba sa invaliditetom ranije su otvoreni i u Sarajevu, Banja Luci i Foći.

SADRŽAJ

Podrška za više od 50 porodica djece i osoba sa invaliditetom – Zvanično otvoren Servis centra „Soci“ u Tuzli	1
Posao za deset osoba sa invaliditetom	2
Javnim zagovaranjem do cilja	3
O značaju strateškog planiranja	3



“Moramo imati više sluha za djecu i osobe sa invaliditetom, ali i njihove porodice. Ovaj Servis centar je poseban upravo zbog toga što cijeloj porodici pruža podršku koju nigdje drugo ne mogu dobiti.“ – istakao je Jasmin Imamović, gradonačelnik Tuzle.

Uspostavljanje Servis centra podržali su USAID-ov Program podrške marginaliziranim grupama (USAID/PPMG) i Grad Tuzla, a inicijator osnivanja je Udruženje za ljudska prava i socijalnu inkluziju (Socl) iz Tuzle.

Udruženje za ljudska prava i socijalnu inkluziju (Socl) brine o osobama koje nisu dovoljno socijalno uključene, te im pomaže da ostvare svoj puni potencijal.

U okviru ove inicijative, 30 osoba sa invaliditetom prošle su dodatne edukacije i osposobljavanja

Edukacija se sastojala od šest modula i uključivala je: razvoj socijalnih vještina, poslovnu komunikaciju, upravljanje vremenom, upravljanje stresom, rješavanje problema, situaciono vođenje.



POSAO ZA DESET OSOBA SA INVALIDITETOM

USAID/PPMG podržao je inicijativu Udruženja “ProReha” za edukaciju, stažiranje i podršku u zapošljavanju osoba sa invaliditetom. Inicijativa je završena u junu, a rezultirala je dugoročnim zapošljavanjem deset osoba sa invaliditetom.



Inicijalni cilj je bio omogućiti jednomjesečno stažiranje za 20 osoba sa invaliditetom tako da je postignuti rezultat izvan očekivanja,

Svih 30 polaznika je uspješno završilo sve module edukacije, a bili su raspoređeni u tri obrazovne grupe koje su module pohađali u periodima od po tri mjeseca za jednu grupu.

Neki od polaznika su u ProRehi pohađali i kurs engleskog jezika, art radionice te plastenički uzgoj ljekovitog bilja.

Od 30 polaznika, za njih 23 je omogućeno stažiranje u ProRehi ili nekim drugim partnerskim društvima, udruženjima, institucijama i sl. Stažiranje je trajalo minimalno mjesec dana a neki od polaznika su stažirali i duže.

“I sama potvrda mog prisustva na edukacijama, moje zalaganje na istoj, dobila je na težini kad su mi u oktobru (2016. op.AĐ) rekli da će me uključiti u ProRehu na stažiranje na mjesec dana, jako sam se obradovao i nadam se da ću dobiti priliku za svojim stalnim zaposlenjem.” – istakao je Rusmir, jedan od polaznika edukacije.



Rusmir je danas zaposlen u Savezu SUMERO na poslovima održavanja Centra za podršku osobama sa invaliditetom.

JAVNIM ZAGOVARANJEM DO CILJA

Trening o temi Javno zagovaranje održan je od 14-16. 6. 2017. g. u Ilidži za dvanaest predstavnika/ca organizacija koje se bave zaštitom i promocijom ljudskih prava pripadnika LGBTI populacije.

Učesnici/e su tokom treninga unaprijedili znanje o elementima javnog zagovaranja, procesu izrade i donošenja zakona, fazama medijskih kampanja, kanalima komunikacije i vještinama prezentacije, te o tehnikama pregovaranja i lobiranja.

Trening su vodile Amila Dedić i Katarina Vučković.

U sklopu treninga održana je i sesija o rodnoj ravnopravnosti tokom koje su predstavljene inicijative koje su uspješno realizirane uz pomoć različitih zagovaračkih metoda, a koje su doprinijele poboljšanju položaja žena u BiH. Na ovaj način seučesnicima/ama pokušala približiti tema ravnopravnosti spolova, ukazati im na zakonske okvire, te predstaviti metode zagovaranja koje su rezultirale uspješno provedenim inicijativama.

O ZNAČAJU STRATEŠKOG PLANIRANJA

U junu je održan i trening za petnaest predstavnike/ce lokalnih, kantonalnih, te Vijeća mladih Federacije BiH (VM FBiH) o temi Strateško planiranje. Tokom treninga je naglašeno zašto je važno strateški planirati, te je trener nastojao približiti učesnicima/ama osnovne elemente strateškog plana i metode njihovog definiranja.

Predstavljeni su primjeri vizija i misija uspješnih organizacija civilnog društva, nakon čega su učesnici/e radili konkretno na definiranju vizije VM FBiH, kao i revidiranju dosadašnje misije.

Budući da nemaju kreiran strateški plan, radili su i na definiranju vrijednosti Vijeća, te su odredili korisnike i njihove potrebe.



“Prije svega jako mi je dragو da smo se sastali u ovom broju i u ovom sazivu sa mladim ljudima iz čitave Federacije BiH i da smo imali priliku da razmijenimo mišljenje i s druge strane da stvarno konstruktivno razgovoramo o tome gdje želimo da ide Vijeće mladih Federacije BiH u narednom periodu. Prepoznali smo naše snage, naše slabosti, potencijalne prijetnje i mogućnosti koje nam se pružaju u narednom periodu i definitivno ćemo to iskoristiti kada budemo imali priliku da razgovaramo sa ostatkom Skupštine Vijeća mladih FBiH i kako želimo da nam izgleda misija, kako vizija.” - Mirela Geko, Vijeće mladih Kantona Sarajevo

Posebna pažnja posvećena je značaju SWOT analize, odnosno identificiraju slabosti, snaga, prijetnji i mogućnosti Vijeća. Također, prilikom grupnog rada, uz trenerovu pomoć definirana su ključna pitanja za razvoj Vijeća, te su određeni strateški pravci i ciljevi.

USAID - Program podrške marginaliziranim grupama (PPMG)
Program provodi Institut za razvoj mladih KULT
u partnerstvu sa NGO & BUSINESS AUDIT d.o.o.
Ul. 4. viteške brigade 34-36 • 71210 Ilidža • Bosna i Hercegovina
T: +387 33 778 766
F: +387 33 778 779
www.ppmg.ba